



Lai Tuleritg, Crap da Flem, Lai la Cauma

Giosch e Ruth Gartmann han edì ina brochura – cun fotografias, istorgiettas e poesias da Flem.

3



Mobilisar voluntaris per il Bike-maraton

Senza voluntaris n'è la cursa da bike tras il Parc Naziunal Svizzer betg pussaivla.

7

südostschweiz

LA QUOTIDIANA

FMR Fundaziun Medias Rumantschas, Via da Masans 2, 7000 Cuirra, 081 544 89 10, redacziun@fmr.ch

■ ENGIADINA

Üna nouva visiun per Scuol

(fmr/af) L'implant da sport Trü procura annualmaing per custos pel cumün da Scuol e stess gnir renovà. Daspö divers ons s'occupan ils respunsabels dal cumün cun l'avegnir da quist areal. Niculin Meyer, il promotur d'economia dal cumün da Scuol, ha preschantà ils resultats da la retschercha fatta cun

l'agüd da la populaziun e da questunaris. «La populaziun predscha Trü sco lö d'inscunter per tuot las generaziuns», ha dit Meyer. El ha preschantà üna varianta visionaria chi prevezza da trar a nüz meglter las sinergias chi sun avant man.

➤ PAGINA 7

■ SURSELVA



A Flem san votantas e votants eleger denter treis candidats pil presidi communal. FOTO AUGUSTIN BEELI

Podi da presidents a Flem

(fmr/abc) L'Uniun dils hoteliers e l'Uniun da commerci e mistregn han envidau gliendisdis ad ina discussiun cun treis candidats pil presidi communal. Objectiv ed equilibrau: Quei ei l'impressiun dalla sera ella Waldhaus Arena a Flem. Votantas e votants han giu caschun da cumparegliar e tedlar pareris da treis candidats. Enamiez sil podi ei il president en uffeci, Adrian Steiger staus, da mintga vart Nicola Fantini e Martin Hug. L'uniun regionala dil com-

merci e mistregn da Flem-Laax-Falera ha, ensemen culla secziun regionala da HotellerieSuisse Grischun, organisau l'occurrentza. Il president en uffeci Adrian Steiger ei motivau da s'engaschar vinavon per Flem. Martin Hug ei staus involvau 15 onns ellas discussiuns entuorn la collegiazion si Cassons. E Nicola Fantini ha mussau ch'el s'engascha buca mo pil center da sport Prau la Selva.

➤ PAGINA 5

■ GRISCHUN CENTRAL

Giubileum radond CB Surses

(fmr/gns) Alla fegn d'avost avant 40 onns è nia fundo igl Club da ballape Surses. Da lez taimp era igl dar a ballape ainten la val anc betg schi popular e tuttegn on en pèr iniziants cun Pauli Dosch scu iniziand principal clamò an veta igl CB Surses. Da far igl plaz da ballape ò igl club gia d'investar avant quatter decennis 323 000 francs. Sustign ò igl club cunzont gia digl cumegn da Tini-

zong cun la somma da 100 000 francs, digls oters cumegns da Surses, digl circuit, da divers uffezis naziunals e cantunals e da blers donatours. Sportivmaintg ò igl CB Surses adegna giuiva igls davos 40 onns ainten la 4. u 5. liga. Presidents ò igl club gia anfignen oz quatter, ed actual sa nomna chel Ivan Brenn.

➤ PAGINA 8

«Il luf ei buca in vegetari»

Biebein 100 persunas ein separticipadas alla discussiun davart la lescha da catscha a Glion

DA HANS HUONDER/FMR

■ Ils adversaris dalla revisiun dalla lescha da catscha federala ein vegni sut las rodas il gliendisdis sera a Glion. Lur arguments han buca perschadiu e stattan en negina relaziun culs avantatgs che la lescha ha.

En vesta alla votaziun ils 27 da settember 2020 organischa l'Uniun purila grischuna arranschaments d'informaziun e discussiun egl'entir Grischun. In da quels ha giu liug il gliendisdis a Glion. Sis exponents dalla politica, dall'agricultura, la catscha mo era dil Cantun e dallas organizaziuns digl ambient ein s'exprimi avon che la discussiun vegni aviarata. En lezza ei la malaveglia dils purs pertuccont il luf daventada veseivla. La mesira seigi plena – sin quella moda seigen ins buca promts da cuntinuar, ei stau in da plirs votums. Els referats cuorts



La runda da discussiun culs exponents d'uffecis ed organizaziuns.

FOTO HANS HUONDER

avon la discussiun al podi ein il cau digl Uffeci da catscha e pesca dil Grischun, Adrian Arquint, ed il cusseglier dils stans Stefan Engler s'exprimi, dilucidond dils motifs che han menau alla revisiun

dalla lescha da catscha federala, respectivamein la situaziun actuala cul luf. «En Surselva havein nus ussa definitivamein memia biars lufs», constatescha Arquint en quei connex e puntuescha: «Il luf

ei buca in vegetari.» Per Engler ei la lescha che vegn alla votaziun la suletta soluziun pussaivla per dar il damogn alla situaziun.

➤ PAGINA 3

«Mintga historia ha ina vart: la mia, la tia e sco igl ei veramein stau.»

Il moderatur dal podi da presidents a Flem Urs Hasler resumond la sera – pagina 5

Tranter extirpaziun ed admiraziun



FOTO SOMEDIA

(fmr/mc) La relaziun tranter capricorn ed uman è ambivalenta. El è vegnì extirpà per pli tard vegnir reintroducì – oz giuoda el status da cult en il marketing turistic. Pagina 2



30036



9 771424 749004

Servetsch d'abunents e da distribuziun: tel. 0844 226 226 mail: abo@somedia.ch